

шығармашылық мұрасының бір-бірімен ішкі мазмұны, қағидалары арқылы тығыз байланысып жатқанына көзімізді жеткізеді.

«Улкен музыка» кітабында музыка теориясын негіздей отырып, әл-Фараби музыканың риторика мен поэзияның, яғни өнердің диалектикамен байланысты екі түрінің заңдарына бағынатынын атаған. Әуен – музыкалық категория, ол да метрика сияқты өлшеммен анықтатындықтан математикаға ғылымымен байланысты. Осы себепке саій бұл ғылымдарды әл-Фараби туыс ғылымдар деп қарастыруды және өзі сол ғылымдардың барлығын зерттеп, зерделеу арқылы ортағасырлық араб-мұсылман Шығыснанда ғылыми ахуал қалыптастырған іргелі шығармаларын калдыруды, ал ол еңбектер кейін Еуропа ғылыми ойының қалыптасуына ықпал етуі арқылы бүкіл әлемге тарады.

Әл-Фарабидің «Поэзия (өнері) жайлар» трактатының мазмұнымен жақын танысу оған қатысты мынадай мәселелерді болжатуға мүмкіндік береді:

- поэзияға қойылатын талаптар алдымен оның формасына, ішкі және сыртқы тәртібіне қатысты мәселелерді қамтиды. Яғни поэзияның мазмұнын түсіну үшін оның сыртқы белгілірінің үлкен мәнгі ие екені тұжырымдалады;
- араб өлең өлшемі жайлар терминдерді қолданысЫнан әл-Фарабидің аруд теориясын терең зерттеп, танығаны көрінеді;
- араб поэтикасына қатысты тұжырымдары оның эстетика жайлар теориясының құрамдас элементі саналады;
- әл-Фарабидің араб поэтикасына қатысты тұжырымдары оның музыка жайлар теориясымен сабактас;
- поэзия тіліндегі сөздердің мағынасына философия тұрғыдан қарай отырып «Еліктеу теориясына» аса жогары мән береді;
- араб поэтикасын Шығыс ғұламасы философиялық, логика ілімдерімен тығыз байланыста қарастырады;
- әл-Фарабидің араб поэзиясының формасына қатысты тұжырымдары оның поэзияның мазмұны жайлар көзқарасын зерттеуді қажет етеді.

Әл-Фарабидің «Поэзия (өнері) жайлар» трактаты оның осы жанрга қатысты «Өлең өнерінің қағидалары туралы» трактатымен тақырыбы ұқсас болғанмен, одан зерттеу нысаны бөлек, материалы басқа, мазмұны дербес ғылыми шығарма. Алғашқы трактат араб поэзиясына, ал кейінгісі жалпы поэзиясы тақырыбына арналған. Себебі, «Өлең өнерінің қағидалары туралы» трактат - Аристотельдің «Поэтикасына» комментарий.

Әбу Насыр әл-Фарабидің «Поэзия (өнері) жайлар» трактаты араб поэзиясы жайлар зерттеу болғандықтан классикалық араб филологиялық ғылымының жазба ескерткіші ретінде шығыстану ғылымынан, қазақ даласынан шығып араб-мұсылман ғана емес, сол арқылы адамзат ғылымы мен өркениетіне айтулы үлес қосқан ғалым мұрасы ретінде отандық ғылым мен мәдениет тарихынан өзіне лайық орынға ие болуы тиіс.

1. Дербісалиев Ә. Әл-Фарабидің эстетикасы -Алматы: С.М.Киров атындағы ҚазҰУ, 1980 ж. 57-66 бб.
2. Әбу Насыр әл-Фараби. Джаяами'у аи-ии'р// («Таихису Китабин ли-Аристуталис ли-Ибн Рушди». -Әл-Қаніра: әл-Мәдждис әл-А'ла ли-шууніл-ісламийя. 1971.
3. Әбу Насыр әл-Фараби. Қауанину сина'ати аи-ии'р// Абд-ар-Рахман Бәдәүи. «Фәннү-ш-ии'р». -Әл-Қаніра: әл-Мәктәбату-л-мысрийя - 1953.
4. Аль-Фараби. Избранные трактаты. -Алматы: Гылым, 1994. Фролов Д.В. Классический арабский стих. -Москва: «Наука». 1991.

\*\*\*

Статья посвящена осмыслиению ранее не изученного трактата в отечественной востоковедческой науке аль-Фараби – «Об (искусстве) поэзии». Автор статьи раскрывает положения, выдвинутые аль-Фараби касательно формы, внутренней и внешней упорядоченности арабской поэзии, а также актуализирует изучение философско-эстетической «теории подражания» в поэтических воззрениях аль-Фараби.

\*\*\*

Article is devoted to interpretation of the early uninvestigated thesis of al-Farabi – «About poetry (art)» in native oriental science. The author of article gives the positions which have been promoted by al-Farabi about the form, internal and external orderliness of the Arabian poetry, as well as actualizes the studying of philosophy and esthetic «imitation theories» in poetic views of al-Farabi.

## Т. Қыдыр

### ФИРДОУСИ “ШАЙНАМАСЫНЫҢ” АЛҒАШҚЫ АУДАРМАСЫ ТУРАЛЫ

Көрші жатқан парсы және түркі халықтарының саяси-қоғамдық қарым-қатынасының тарихы тым теренде жатқаны белгілі. Ежелден

Иран-Түран болып, қатар өмір сүріп келе жатқан екі халықтың да соңғы дін – Исламды қабылдауымен мәдени һәм әдеби байланыстар

тіпті нығая түсті. Ислам өркениетінің аясына топтасқан Шығыс мұсылман халықтарының әдебиеті мен мәдениеті дамып, сөз өнеріне, көркем сөзге деген ықылас артты. Арғы арналары қасиетті Құран аяттары мен пайғамбар өсietterінен бастау алатын Шығыс мұсылман жаунарларындағы көтерілер басты тақырып – адамның жан-дүниесі, рухани нәпсіні тәрбие-леу, кемелдікке жету жолдары, Хақ жолындағы махабbat, туралық пен пәктік болды. Соның нәтижесінде бұқара халықтың арасында шайырларға деген құрмет, олардың шығармасына деген қызығушылық арта түсті. Ең бастысы, өз ойын өлең сөзben өрнектеген шайырдың қоғамда өзіндік орны болды. Патша сарайлары мен хан ордаларына топтасқан ақын-шайырлар іштей, кейде ашық түрде сөз жарысына түсті. Мұндай әдеби мұшайралар шайырлық шеберліктің одан әрі ұштала түсуіне тікелей әсер етті. Бірі жыраған тақырыпты екіншісінің одан әрі дамытуы, өзінен алдыңғы откен шайырдың газалына кейінгі ақынның жауап жазуы, бір тақырыптың төнірегінде жарыса қалам тербеу секілді мәселелер қалыпты жағдайға айналды. Белгілі шығыстанушы Н.Конрадтың “Шығыс пен Батыс” деген еңбегінде қамтылған әдеби байланыстың негізгі үш түрі де осы кезең әдебиетіне тән қасиет еді /1/. Ең бастысы – әдебиет пен мәдениеттегі мұндай “алыс-берістер” нәтижесінде нәзирашылдық дәстүрі пайда болды. Қасиетті Құран аяттарында баяндалған сюжеттер мен образдар парсы шайырларының шығармаларында көрініс берсе, сол мәселе көп ұзамай түркі ақындарының еңбекте-рінде қайта жырланып отырды. Шығыс мұсылман халықтарының ғашықтық символдарына айналған Фарнад-Шырын, Ләйлі-Мәжнүн, Жүсіп-Зылиха секілді кейіпкерлер мен әділдік пен кемелдіктің үлгісіне айналған Ескендір, Лұқман хәкім образдары орта ғасырда өмір сүрген шайырларды айтпағанның өзінде, тіпті XIX-XX ғғ. ақындарының шығармаларына дейін кеңінен жырланды. Соның нәтижесінде қазақ әдебиетінің тарихында “кітаби ақындар” деген термин қалыптасты. Осы топқа жататын ақындар қазақ сөз өнерін дамытып қана қоймaston, сондай-ақ қазақ-иран байланыстарын тағы бір сатыға көтергені белгілі.

Әрине, Шығыс мұсылман әлеміндегі әдеби байланыс туралы сөз қозғағанда екі халық арасына “алтын көпір” орнатады. Ол түркіше жыр-жолдарын жазумен бірге, парсы шайырларының ізімен жиі қалам тербел отырды. Оның “Лисанут-тайр” туындысының дүниеге келуіне Аттардың “Мантиқатут-тайр” шығармасы әсер етсе, “Нәсaimул мұхабbat мин

шәмаимул футууэт” деген еңбегі Әбдірахман Жәмидің “Нафахатул унс мин хазаратил құдс” атты тәзкиресінің ізімен жазылған. Науай мұнда ұстазының шығармасын жолма жол тәржімаламастан, онда жок деректерді толықтырып, әсіресе, түркі дүниесіне қатысты күнды мәліметтермен байытып отырғанын ерекше айтып өткеніміз жөн.

Шығыс мұсылман даласын кезген “көшпенди” образдар мен сюжеттер, ортағасырлық мұсылман шайырларының жырлар басты тақырыбына айналған. Осы орайда белгілі шығыстанушы Е. Бертельстің: “...сол кезеңде мұндай тақырыптар Шығыс мұсылман әдебиет айдынында қалыпташ тұрған бұлт іспетті еді. Сол себепті тақырыптың кімнің кімнен алғанына емес, сол тақырыптың қай ақынның қай деңгейде алып шыққанына назар аудару қажет” /2, 39/, - деп жазғанын есте ұстаған жөн. Сонда ғана ортағасыр әдебиетінде қалыптастан “Хамса” яғни “Бестік” әдеби дәстүрі аясында қалам тербелген шайырлардың шайырлық шеберлігіне бағалай алтынымыз анық. Себебі арғы арнасы қасиетті Құранға, одан әрісі киелі Інжілге барып тірелетін “Жүсіп-Зылиха” төнірегінде ортағасырда жүз отыздан артық түркі ақындары қалам тербелген. Сондай-ақ, “Хұсрау-Шырын”, “Ескендір” образдары да бірнеше ақын-шайырларға “азық” болды. Осыншама мол байлықтың бәрін өзінен алдында өмір сүрген шайырдың шығармасын қайталаған деп жылы жауып қойсақ, көп нәрседен ұтыларымыз анық. Әрине, Шығыс мұсылман шайырларының бір тақырып төнірегінде жарыса қалам тербеуінің астарында өзіндік себеп-салдары да болды.

Классикалық парсы әдебиетінде жазылған шығармаларды түркі жазба тілінде қайта жырлау үрдісі Алтын Орда мен Египетте билік құрған мәмлүк қыпшақтары кезінде мықтап колға алынды. Сол дәүірде Низамидің “Хұсрау-Шырының” Құтыб түркі тілінде еркін сөйлете білсе, Сағидың атақты “Гүлістаның” сол кезеңнің тумасы Сейф Сараи түркі оқырмандарымен таныстырыды. Сондай-ақ, Фирдоусидің “Шаһнамасын” мәмлүк қыпшақтарының соңғы билігі кезінде өмір сүрген Шәриф қыпшақ-оғыз тілінде алғаш рет еркін жырлап шықты /3, 72/. “Алғаш рет” деп ерекшелеп айтудымызға себеп – XY ғасырга дейін “Шаһнамадағы” жекелеген образдар мен сюжеттер төнірегінде шығармалар жазылғанымен де, түркі тіліне Фирдоуси мұрасы толық аударылмап еді. Шәрифтің еркін адамасынан кейін әрқайсысы өз алдарына жеке отау тіккен түркі халықтарының әдебет тарихында бірнеше рет қайта жырланды. Белгілі шығыстанушы-ғалым, профессор Ө.Күмісбаев-

тың сүбелі зерттеулерінде XIX-XX ғасырда өмір сүрген Шәді Жәңгірұлы, Тұрмагамбет Ізтілеуов, Мұхаммеджан Сералин, Ораз молла секілді қазақ ақындарының да “Шаһнаманы” казакша сөйлеткені жан-жақты талданып көрсетілген /4/. Фирдоуси мұрасын казакша сөйлетуде бірі түпнұсқаға жүгінсе, енді бірі бұл тақырыпқа екінші тіл арқылы барғаны да ашып жазылған. Соңғы жылдары Тұрмагамбет жырлаған “Шаһнаманың” толық нұсқасы жарыққа шыққанын ерекше атап өткеніміз жөн. Десек те Шәді жырлаған нұсқаның әлі күнге табылмауы өкінішті жағдай. Эрине, түпнұсқа болмағандықтан да бұл мәселеге, яғни Шәдінің “Шаһнаманы” аударғанына күдікпен қарайтындар да табылар. Аллада Шәдінің Атбасар уезіндегі Қалменбайға жазға өлең-хаты қөңлімізге демеу болары анық<sup>3</sup>.

Жоғарыда айтып өткеніміздей, мәмлүк қыпшақтары тұсында алғаш рет “Шаһнама” Шәриф Әмиди тарапынан қыпшақ-оғыз диалектіне тәржімаланды. Туркі жазба тіліндегі бұл шығарма туралы кезінде М.Жаберт, Ю.Моль, А.Ромаскович, В.Гарбузова, Ч.Рье, Дж.Гибб, А.Зайончковский, Р.Исламов және т.б. түркітапшылықтарынан пікірлерін білдірді. Бүгінгі ғылымға шығарманың нұсқалары Ұлыбритания (Британия музейі), Вена, Түркія (Түркапысарайында), Ресей (Санкт-Петербургтағы Шығыстану институтында) және Тәжікстанда (Ғылым Академиясында) сақталғандығы туралы деректер бар.

Шәриф Фирдоуси мұрасын еркін тәржімалап шыққан. Шығарманың көлемі 56 000 бейт. Шәриф “Шаһнаманың” кіріспесінде оған дейін мұндай қайырлы іске ешкімнің қол ұрмaganын “Кімсәнә бұз кітаба ұрмады әл, кімсана етмәді бұз мүшкілі хал”, деп өзінің алғашқылардың бірі болып қалам тартып отырғанын жазады.

Фирдоуси “Шаһнамасының” түркі жазба тіліне тәржіма болуына себепкер болған – Египет мәмлүк қыпшақтарының соңғы сұлтаны әл-Ашраф Кансау әл-Гаури. Бұл туралы Шәриф шығарманың “Сәбәб-е тәлиф” яғни еңбектің жазылу себебінде былайша тарқатып жазады:

Көрүр “Шаһнама” сұлтан-и 'ариф,  
Ки анда шарф олмыш чоқ ма'ариф  
Діладі кім дана түркі ділінә  
Ки асан ала мағнасы білінә, /5; 14/-

<sup>3</sup> Жібердім “Шаһнаманы” сауап үшін, Батыр мен балуан сөзі толған іші. Өзінің оқып көріп түсінерсіз... Мінбекке ағаңыза бір ат дәркар, Бес жаста я алтыда болсын тілі, Толықтық, сұлулық пен семіздігі, Үқасын өзінізге һәм жүрісі

деп, белгілі сұлтаны, яғни Кансау Гауридің өзі тәржімалауға ұсынғанына тоқталады.

Содан өз заманының сұлтанынан тапсырыс алған шайыр, Фирдоуси “Шаһнамасының” еркін аудармасын жасауға кірісken. 1501-1517 жылдар аралығында билік құрған Кансау Гури шайырдың шабытына лайық жағдай да жасап берген. Себебі сұлтаның өзі де сөз өнерінің қадірін біletін жан болғандығы, реті келгенде өлең де жазып отырғандығы туралы деректер де бар.

Кітапты түркише сөйлетуге қанша уақыт кеткені туралы автор: “Бұз кітабың назмына Мәуләнә әс-сұлтан әз насралы әл-Гури әууел салтанат еліндә ибтидә әйләдік. Он иылда тамам олунды, оның дәуләтіндә илтимәмә ерішді”, - деп, шығарманы тәржімалау бас-аяғы он жылға созылғанын жазады. Әл-Гаури таққа отырған жылы, яғни 1501 жылы (әл-Гури 1501-1517 жж. билік құрған) басталған болса, 1510 жылы аяқталған. Көлемі жағынан бірнеше шығарманы орап кететін (120 000 жолдан тұрады) Фирдоуси мұрасын он жыл аударғанына қарағанда тәржіман бұл іске өте байыппен қарап, асықпай аударғаны анғарылады. Сонында Шәриф “Еріштірдім кәмәл илә тәмәмә, Бихәмдилләh, йазылды “Шаһнама”, деп Аллаға шүршілік етеді.

Шайырдың Аллаға шүкіршілік ететіндегі бұл шығарма сол кездे-ақ өз оқырмандарын тапқан. Іші батырлық пен ерлікке толған ақын мұрасы күйреп бара жатқан мәмлүктер билігіне аз да болса демеу болған. Себебі Кансау әл-Гауридің сұлтандығының аяқталуымен мәмлүк қыпшақтарының билігі де күйреді. Осман империясының тарих сахнасына шығуымен сол кездегі геосаяси жағдай өзгеріп, әлем картасы қайта сзылды. Бұл шығарманың жазылуының саяси жағы да осында болса керек.

Шәриф “Шаһнаманы” еркін тәржімаландықтан да, ақын тарапынан қосылған детальдар, Фирдоуси мұрасында жоқ өзгеше өрнектер, шайырлық шеберліктер ақынның өзіндік колтаңбасын байқатады. Бұдан түркі ақынының парсы шайырының шығармасын сол қалпында жеткізбестен, өзіндік мақсат-мұдде тұрғысынан келгені анғарылады.

Шәриф “Шаһнамасының” түркі жазба әдебиетіндегі алар орны, бұл әдеби жәдігердің бүгінгі түркі халқтарының ортақ рухани мұрасы екендігі ешбір дау тудырмайды. Әсіресе классикалық парсы әдебиетінің өкілі Фирдоусидің “Шаһнамасын” түркі тілде жырлай білген ақын ежелден келе жатқан түркі-парсы, соның ішінде қазақ-иран әдеби байланыстарын тағы бір сатыға көтергені айдын анық. Себебі Шәрифтің бұл шығармасы өзінің жазылу тарихының тереңдігі жағынан ғана емес,

сонымен бірге Фирдоуси туындысын түркі халықтарына кең көлемде жеткізе білгендігімен де ерекшеленеді. Сондыктан да мұндай асыл мұра белгілі кітапханалардың көне қолжазбалар мен сирек кітаптар бөлімдерінде белгісіз болып жатпай, қайта жарыққа шықса, тек казақ-иран әдеби байланыстарының ғана емес, сонымен бірге парсы және түркі халықтарының шынайы рухани достығына айналатыны ешбір құмән туғызбайды.

\*\*\*

1. Конрад Н. Запад и Восток.- Москва: Наука, 1972. – 496 с.
2. Бертельс Е. Суфизм и суфийская литература. - Москва: Наука, 1965. – 523 с.
3. Наджип Е. Культура и тюркоязычная мамлюкского

Египта XIV века. -Түркестан: Туран, 2004. – 291 с.

4. Құмісбаев Ә. Абай және Шығыс. -Алматы: әл-Фараїд ат. ҚазМУ, 1995. – 342 б.; Құмісбаев Ә. Терең тамырлар. Алматы: Ғылым, 1994. – 320 б.
5. Zajaszkowski A. Turecka wersja Sah-name z Egiptu Mameluckiego// Prace Orientalistyczne. -Warszawa, 1965. T. XV.

\*\*\*

В этой статье делается анализ казахских переводов произведения иранского писателя Фирдоуси «Шахнаме», а так же рассматривается версия переводов появленных в далеком в XV-м веке.

\*\*\*

This article analyzes the kazakh translations of “Shahname” Firdowski. First translations of this work were made in XV century

## Ж.О. Мәмбетов

### МАХАМБЕТ ПЕН БАЙРОН ЛИРИКАЛАРЫНДАҒЫ АҚЫНДЫҚ «МЕН» (Шығыс және батыс әдеби байланыстардың негізінде)

«Мені» мен менікінің айырылғанын  
Өлді деп ат қойыпты өңкей білмес...»

Абай.

...Айтарын ашып айтқан абайламай,  
Па, шіркін Махамбеттер, Абайлар-ай!...

мұратын айқындаған Мұқағали ағамыздың келешек үрпақ туралы айтқан жаңағы ойының жаны бар секілді.

Меніңше әдебиет үлтқа, тілге бөлінгенімен, оның мұрат-мақсаты біреу-ақ, ол - әр дәуір, әр қоғамның ажарын еш боямасыз, жарқырата ашып беру. Сол замана тудырған туындыларды оқып-танысып шыққанымызben, оған ғылыми түрғыда саралап баға беруге шорқақтық танытатынымыз тағы бар. Ғылымшылдық деп отырғанымыз бір ғана үлттың әдебиетінің шеңберінен шықпай жүріп алу емес, біздің әдебиетіміз секілді планетамызды мекендеуші сан мындаған халықтар, үлттар әдебиетімен салыстыру, сюжеттік, идеялық ұқсастықтар іздеу, тәжірибе алмасу.

Біздің тақырыбымызға арқау болып отырған екі ақын Махамбет Өтемісұлы мен Джорж Байрон шығармаларын салыстырып, үлттық сипатын ерекшелеп, ортақ мұратын айқындалп алу да салыстырмалы әдебиеттану ғылымының еншісіндегі іс. Тілге тиек болған әдебиет өкілдері жайлы бізге дейін жазылған көлемді зерттеу еңбектері бар шығар, бірақ біз оларды өзімізше тануға, талдауға тәуекел еттік. Біздің карастырмақ тақырыбымыз «Махамбет пен Байрон лирикаларындағы ақындық «мен» мәселесі. Бұл жерде Абай айтқан «мен» мен «менікіне» тоқталмай кетуге болмайды.

«...Кто из современной молодежи ломает голову над чтением «Евгений Онегина» Пушкина, или «Чайльдом Гарольда» Байрона? Едва ли найдется. Я сомневаюсь, хватит ли терпения у них прочесть до конца Лермонтовского «Демона». Нынешнее поколение живет сегодняшним днем. Для них жизнь не театр, а мимолётная эстрада. Они в чудеса не верят, для них ничто не чуждо, у них вкусы не меняются. Им чужды мне кажется, глубокая мысль, познания себя и других» /1, 42/. Жогарыда келтіріліп өткен ойлардың астарына үңіліп, ар жағында не жатқандығын үғынып көрсек деймін. Рас, қазіргі жастардың көбі қазақ әдебиетінің ауылынан алысқа ұзап, әлем әдебиетінің көкжиектеріне көз тігуге көп жағдайда көніл бөле бермейді. Әдебиет ешқашан тоқтамайтын, үздіксіз дамып отыратын процесс. Қай заманда, қай қоғамда, қай үлтта болса да әдебиеттің жоғын жоқтаушы ақын не қаламгер ең алдымен өзі өмір сүрген дәуір болмысын қара сөздің қалыбына құйып отырған. Солардан қалған әдеби мұраны оқып, танысып, талғампаздықпен сын айтып, төлтума әдебиетімізбен басқа халықтар әдебиетінің өсу, өркендеу, құнделікті тыныс-тіршілігін жіті қадағалап отыруға біздің бара алмай жүргенімізді мойындау қажет. Ал «әдебиет – ардың ісі», қолында бардың ісі емес екендігін түйсініп,